



Instrukcija Diplomatsko – konzularnim predstavništvima Bosne i Hercegovine u inostranstvu za postupanje sa glasačkim paketima u uvjetima onemogućenog ili otežanog poštanskog prometa

Postupanje birača

- U slučajevima kada je poštanski promet sa Bosnom i Hercegovinom znatno otežan ili prekinut birač može dostaviti povratnu kovertu u kojoj se nalazi glasački paket u najbliže nadležno diplomatsko – konzularno predstavništvo Bosne i Hercegovine u inostranstvu (u daljem tekstu: DKP BiH);
- Povratne koverta se na ovaj način Centralnoj izbornoj komisiji BiH može dostavljati iz Australije, Kanade, Mađarske, Republike Finske, Ruske Federacije, SAD-a, Republike Češke, Republike Francuske i Republike Grčke;
- Povratna koverta se u posebnoj koverti putem pošte dostavlja najbližem nadležnom diplomatsko – konzularnom predstavništvu Bosne i Hercegovine u inostranstvu;
- Koverta mora sadržavati poštanski žig zemlje iz koje se glasa sa datumom najkasnije do 15.11.2020. godine, sa naznakom „(Glasački paket – NE OTVARAJ)“
- Centralna izborna komisija BiH, Ministarstvo vanjskih poslova BiH i DKP BiH na pogodan način obavještavaju birače o mogućnosti dostave glasačkih paketa putem diplomatsko – konzularnih predstavništava.

Postupanje diplomatsko – konzularnog predstavništva

- DKP BiH u inostranstvu protokoliše zaprimljenu kovertu na zaprimljenoj koverti stavlja prijemni pečat te bilježi datum i tačno vrijeme zaprimanja pošiljke kao i redni broj zaprimljene pošiljke;
- Dostavljena koverta se ne smije otvarati i čuva se od oštećenja;

- O svim zaprimljenim glasačkim paketima vodi se posebna evidencija i sačinjava posebni izvještaj koji se dostavlja Centralnoj izbornoj komisiji BiH putem Ministarstva vanjskih poslova BiH. Način evidencije i druge upute svojom instrukcijom utvrditi će Ministarstvo vanjskih poslova BiH;
- Glasачke pakete uz izvještaj i evidenciju o zaprimljenim glasačkim paketima Diplomatsko – konzularna predstavništva BiH putem Ministarstva vanjskih poslova BiH šalju Centralnoj izbornoj komisiji BiH, brzom diplomatskom poštom najkasnije u roku od 3 dana od dana izbora.